

**BOSNA I HERCEGOVINA  
FEDERACIJA BIH  
ZENIČKO – DOBOJSKI KANTON  
GRAD ZENICA  
Služba za urbanizam**

Broj: 03-45-3651/21  
Zenica, 05.04.2021.godine

**STRUČNA SLUŽBA GRADSKOG VIJEĆA**

**PREDMET: Odluka o izmjeni i dopuni Plana korišćenja javnih površina  
na području grada Zenica za 2021. godine , dostavlja se**

U prilogu akta dostavljamo vam radi uvrštavanja na dnevni red sjednice Gradskog vijeća Zenica, prijedlog Odluke o izmjeni i dopuni Plana korišćenja javnih površina na području grada Zenica za 2021. godinu.

S poštovanjem,

**DOSTAVLJENO:  
1 x Naslovu  
1 x a/a**



**POMOĆNICA GRADONAČELNIKA**

**mr.sci. Bojana Primorac**

**BOSNA I HERCEGOVINA  
FEDERACIJA BIH  
ZENIČKO – DOBOJSKI KANTON  
GRAD ZENICA  
Služba za urbanizam**

**PRIJEDLOG**

**OBRADIVAČ:  
Služba za urbanizam**

**ODLUKA  
o izmjeni i dopuni Plana korišćenja javnih površina na području  
grada Zenica za 2021. godinu**

**Zenica, april 2021. godine**

Na osnovu člana 21. tačka 10. Statuta Grada Zenica ("Službene novine Grada Zenica", broj: 5/15) i člana 3. Odluke o korišćenju javnih površina ("Službene novine općine Zenica", broj: 9/99 i "Službene novine Grada Zenica", broj: 1/18) Gradsko vijeće Zenica, na \_\_\_\_\_ sjednici održanoj \_\_\_\_\_ 2021. godine, donijelo je

**ODLUKU**  
**o izmjeni i dopuni Plana korišćenja javnih površina na području**  
**grada Zenica za 2021. godinu**

**Član 1.**

U Planu korišćenja javnih površina na području grada Zenica za 2021. godinu ( u daljem tekstu: Plan) ("Službene novine Grada Zenica", broj: 2/21), u članu 7. iza stava (4) dodaje se stav (5 ) koji glasi:

„(5) Izuzetno, može se omogućiti proširenje ljetnih bašti u odnosu na dimenzije utvrđene u Grafičkom prilogu koji čini sastavni dio Plana iz člana 1. ove Odluke pod uslovom da postoje urbanističko – tehnički uslovi za proširenje ljetne bašte na javnu površinu.“

**Član 2.**

Član 10. mijenja se i glasi:

„(1)Vlasnici ugostiteljskih objekata koji ispred objekata imaju stolove i stolice, fiksne tende i podije, a koriste ljetnu baštu u periodu od 01.04. do 30.09.2021. godine, te redovno mjesečno izmiruju naknadu za korišćenje javne površine za ljetnu baštu do 10-og u mjesecu, ostvaruju pravo na period korišćenja „ljetne bašte“ van sezone u trajanju od šest mjeseci, bez plaćanja naknada.

(2)Vlasnici ugostiteljskih objekata koji koriste ljetnu baštu u periodu manjem od perioda iz prethodnog stava (period „ljetne sezone“), bez obzira na način plaćanja naknade za korišćenja javne površine za ljetnu baštu, neće moći ostvariti pravo na period korišćenja „ljetne bašte“ van sezone.“

**Član 3.**

U članu 18. stav (4 ) u tabelarnom pregledu „Izlaganje i prodaja umjetničkih slika“, briše se tačka 2. „Maršala Tita ( uz fasadu RK „Zeničanka“)… broj 1“ kao i prikaz lokacije u Grafičkom prilogu kao sastavnom dijelu Plana iz člana 1. Odluke.

**Član 4.**

Ostali dijelovi Plana ostaju nepromijenjeni.

**Član 5.**

Ova odluka objaviće se u „Službenim novinama Grada Zenica“.

Broj: \_\_\_\_\_  
Zenica, \_\_\_\_\_ 2021. godine

**PREDSJEDAVAJUĆI**  
**GRADSKOG VIJEĆA ZENICA**  
**Almir Babajić**

## O b r a z l o ž e n j e

Gradsko vijeće Zenica na sjednici održanoj dana 22.02.2021. godine donijelo je Plan korišćenja javnih površina na području grada Zenica za 2021. godinu („Službene novine Grada Zenica“ broj:2/21).

Udruženje poslodavaca Zenica, obratilo se dopisom od 04.03.2021. godine Gradskom vijeću, Gradonačelniku i Službi za urbanizam zahtjevom za izmjenu Plana korišćenja javnih površina na području grada Zenica za 2021. godinu tražeći proširenje ljetnih bašti na javnu površinu, iz razloga pridržavanja propisanih higijensko – epidemioloških mjera u cilju suzbijanja širenja korona virusa.

Dopisom koji je zaprimljen 10.03.2021. godine Udruženje poslodavaca obratilo se Gradonačelniku sa zahtjevom:

- da se ugostiteljima za korišćenje ljetne bašte za period od šest mjeseci (od 1.4. do 1.10.2021. godine) odobri plaćanje naknade za korišćenje javne površine za ljetne bašte na mjesečnom nivou, te da ostavaruju pravo na besplatno korišćenje bašte za preostalih šest mjeseci i shodno tome oslobađaju se plaćanja naknade za zadržavanje tende i podijuma u zimskom periodu.
- da ugostitelji koji će vršiti plaćanje naknade za korišćenje ljetne bašte u ratama na mjesečnom nivou za period manji od šest mjeseci, ne ostvaruju pravo na besplatno korišćenje bašte za preostale mjesece i shodno tome u slučaju zadržavanja tende i podijuma u zimskom periodu imaju obavezu plaćanja naknade za iste, prema važećem Tarifniku.
- da se donese Odluka o plaćanju naknade na mjesečne rate ugostiteljima koji imaju i zimske i ljetne bašte, te pošto imaju zimske bašte iste gube pravo na grejs period, te da im se omogući plaćanje na rate.

Planom korišćenja javnih površina na području grada Zenica članom 10. propisano je da vlasnici ugostiteljskih objekata koji izvrše jednokratnu uplatu cjelokupnog iznosa naknade za korišćenje javne površine za period trajanja ljetne sezone imaju period korišćenja „ljetne bašte“ van sezone, bez plaćanja naknade s tim da ugostitelji koji imaju fiksne tende i podije plaćaju naknadu za zadržavanje konstrukcije tendi u zimskom periodu kao i da vlasnici ugostiteljskih objekata, koji plaćaju naknadu na mjesečnom nivou ne ostvaruju pravo na period korišćenja „ljetne bašte“ van sezone.

Cijeneći razloge navedene u dopisima Udruženja poslodavaca, smatramo opravdanim zahtjev za proširenje ljetnih bašti u odnosu na bašte koje su utvrđene Planom (Grafički prilog) ukoliko postoje urbanističko – tehnički uslovi za proširenje ljetne bašte na javnu površinu, a što će u postupku utvrditi Služba za urbanizam, te je u tom kontekstu predložena dopuna člana 7. kao i izmjena člana 10. Plana u smislu odobravanja plaćanja naknade na mjesečnom nivou i ostvarivanja prava na grejs period na način kako je navedenu u izmjeni člana 10. Vezano za dio zahtjeva Udruženja koji se odnosi na plaćanje naknade za zimske bašte, na mjesečnom nivou, smatramo da je zahtjev preurenjen iz razloga što je u pripremi prijedlog Odluke o korišćenju javnih površina na području grada Zenica koja će se razmatrati na jednoj od narednih sjednica Gradskog vijeća, te kojom će između ostalog biti detaljnije regulisan način korišćenja javne površine za postavljanje zimske bašte.

Odlukom je predložena izmjena člana 18. stav (4) Plana i to u tabelarnom pregledu „Izlaganje i prodaja umjetničkih slika“, predlaže se brisanje lokacije pod tačkom 2. „Maršala Tita (uz fasadu RK „Zeničanka“) ... broj 1“ kao i u Grafičkom prilogu kao sastavnom dijelu Plana, iz razloga što su već utvrđene dvije lokacije za izlaganje i prodaju umjetničkih slika u ulici Trg Alije Izetbegovića.

Sluzba za urbanizam